

東阿縣志

署 何思源



EX 140, 244

3611

2p 11-8

東阿縣志

王占一敬書

民國二十三年十二

月濟南午夜書店印

重修東阿縣志李序

志者何紀事也縣志者何紀一縣之事也大而方域建置職官賦役選舉人物政績藝文之類細而陵墓寺觀市衢虫魚鳥獸草木花實叢談之屬無不備載 朝廷設官分職循名可以責實如知縣必知一縣之事而後謂之知縣猶知州須知一州之事知府須知一府之事也否則承乏一邑如入無燈之室暗中摸索其於治庸有冀乎然其事於志括之知其事必於志攷之書甲申秋選授斯邑田賦若何學校若何地土之肥與瘠風俗之淳與澆惴惴焉慙無以知之也爰取邑乘細加翻閱舊志廼前明于文定爲殿講孟中丞爲柱史時所纂也嗣康熙四年乙巳續修于劉令沛先五十四年乙未再修於鄭令廷瑾迄今百有十年矣事歷四朝年逾百歲山川如故非復魯國之下城規制屢更不是東平之屬邑其間科目縉紳遺佚已久忠孝節義湮沒更多即如職官一門中脫數年竟至無案可稽脫令抱殘守缺更歷年所將採訪蒐羅不更窘於今日乎書食俸于茲土者幾及六載又何以告無慚於職守爰捐俸金延原任鄒平令吳怡並

東阿縣志

序

一

濟南芙蓉街午夜書店印

集諸文學士相與商確而編輯焉舊者因之新者增之遺者補之疑者闕之凡有關於風俗有裨於政治一一纂入八閱月而告成始建置終藝文共得廿四卷付諸梓裝繕成帙加倍前志其間耳目所限未必盡無遺憾以俟後之留心邑乘者得所依據而更加醇備以之媲美于孟二公也則幸甚

告

道光九年歲次己丑十月穀旦

賜進士出身即用州調任曹縣仍署東阿縣事嵩陽李賢書謹序

舊志李序

乙未冬

欽假南旋舟次安平東阿令鄭子承懷晉謁攜其續修邑志問序於余余謂今之爲吏者多矣大都簿書期會希合上指已耳疇肯留心文獻爲繼往開來之舉乎鄭子可謂達於治體矣蓋志者識也天時之理則書地利之宜則書人事之盡則書是故大而方域職官賦役選舉人物政紀藝文之類細而陵墓寺觀市衢蟲魚鳥獸草木花實叢談之屬無不燦然畢具君子讀之可以有益於修身可以有益於治人可以有益於治天下國家志之所係重矣哉且是阿邑志也者自有明于孟二公纂修後綱舉目張閎博雅暢有非他邑志所可比者鄭子取而復明之豈不大有功於前列乎鄭子與余姻聯里閭居鄉恂恂君子也今觀其爲政重文學先教化知其無不勞心於撫字可謂達于治體矣異日者報最

東阿縣志

序

一

濟南芙蓉街午夜書店印

朝廷即以是供

國史之採錄也可

賜進士第光祿大夫

文淵閣大學士吏部尙書加四級安溪李光地撰

舊志鄭序

國有史邑有乘非徒紀事編年而已蓋將示勸懲于來世也東阿志自明宏治庚申修後至萬歷壬午重修始方域終藝文分十二卷允稱勝國信史我

朝受命文教誕敷

今上御極之四年劉令沛先慨然取邑志而重修之時相與校讎者進士李居易一人今五十年來山川之氣運重開人文之英華蔚起成進士者則有張君心友秦君紫霓魏君鄴亭他若舉于鄉者拔茅連茹彬彬濟濟又皆莫可量矣際斯時也倘邑乘不修文獻無徵後之人雖有作史之才其孰從而求之余方興念及此適郡憲金公檄行修志于是乃集邑之文學士而告之曰古稱良史首推班馬今觀邑乘舊本若干若孟奚多讓焉諸君子幸生二史之後宜追昔日之芳踪毋徒騁乎詞華毋專執乎意見舊者仍之新者採之遺者續之疑者闕之使前之修志者有傳而後之修志者有稽雖未免不醇不備之憾要必存矢公矢慎之心知我罪我聽之而已惟時諸君子唯唯咸不誣

東阿縣志

序

一

濟南芙蓉街午夜書店印

乎余言因捐俸續梓而爲之序

康熙五十四年歲在乙未菊月穀旦

東阿縣知縣加二級清溪鄭廷瑾謹序

舊志楊序

輿城之有圖志古也唐虞幅員禹貢可考周官大司徒掌天下土地之圖以周知廣輪之數而職方氏所載復加詳焉秦漢以降志地里紀方輿者無慮數百家卷冊浩穰得此失彼雖不能無議要皆文獻所徵不可廢也仰惟我先朝命儒臣纂集大明一統志藏之祕府頒之學宮采錄精當古之所謂圖志者莫之或尙顧禹跡所窮萬邦錯峙事極鴻纖非國志所能盡載舉凡撮要君子慮其有遺善焉此郡邑志所以不可無作也十室之邑苟得佳志非惟可垂一方鑒戒他日總制作之柄者舍是將何所依據乎秦君民望作令竟之東阿越二年百廢俱舉吏民懷服嘗取邑志閱之歲久散逸無所得歎曰是鄒魯比邑而文獻泯弗傳可乎乃下令蒐訪期修復之吏部驗封郎中劉君博之邑人也聞而出所藏舊志緘寄君君喜得如重寶顧其所輯錄不皆當乎人心加之金根魯魚之誤特甚君於是開局庀物延文學士供纂集得邑人教諭董染舉人張冕邑庠生許汝聰蘇則曾侯爵輩任其事而君政事之餘躬讎校之乃因舊志存其可紀

東阿縣志

序

濟南芙蓉街午夜書店印

而及其冗瑣不足錄者又稽合郡書兼採輿論備所未備釐爲六卷卷首有圖爲目四十有一目有引各附其下越五月告成而百餘年闕典至是完矣既繕寫成帙遂謀諸同官入梓以傳寓書京師屬予序慨自簿書刀筆之流爲郡縣而詩書風化之迹微矣彼豈知圖籍爲先王所重政教所關第謂上司督責之所不及也廢不加修闕不知補甚則併其存者而毀滅之其能究心文獻而圖其不泯者寡矣間有之又患於不知要閒文粗跡泛然收之小得大遺於政治名教無所裨益是尙能無有爲也乎故今圖志盈几案而知言者病其蕪穢往往視爲長物而不屑觀者凡以此也是志搜羅採剔殆無餘蘊詳不冗複簡不脫略正合古人遺法可傳而信若是則何病於志哉君山西蒲州人予提學時所造士舉丙辰進士授今官其志厲名檢其政先撫字皆當務之急即是以占其所建立當無不得其要者矣

明宏治庚申夏六月六日

賜進士中憲大夫太常寺少卿石淙楊一清序

舊志金序

按劉向說苑齊君使尹子奇治阿子奇裁童子耳其之阿也所與其載者皆白首也使者還告齊君曰夫以老者之智以少者決之子奇必能治阿矣而阿果治迨至今日故山左之雄區也予自康熙癸巳出守斯邦比歲數數取道於阿見夫羣峯環抱衆派遶流隸斯土而生其間者古蹟偉人遑遑不乏吾知阿乘必大有可觀者矣甲午予有纂輯郡乘之舉檄取州邑新舊志書以資蒐羅考訂且甚有望于州邑同事諸君子之各修志書合力襄助以成斯舉志頗專意甚亟也明年而阿令鄭君以續修者進且徵予一言予惟阿志自明于文定孟中丞二公輯後至康熙初年劉令沛先繼之今五十載矣鄭君與阿之賢達輩重爲增修而雕之棗則五十載內故者宜仍新者當採以至補其所遺而闕其所疑不亦可無餘憾也乎予披覽三復若前之所爲羣峯環抱者則曰少岱曰黃山衆派遶流者則曰瓠子瀆曰大清河而且有三歸臺掛劍臺阿城桃城之歷歷古蹟而且有魏之程昱晉之魏浚宋之王遷之濟濟偉人自一輯再輯以至今之

東阿縣志

序

一

濟南芙蓉街午夜書店印

三輯而阿乘果大有可觀已夫志者史也古之史官成一代之書未有不藉夫國之耆舊鄉之賢人互相發明參訂而始足以垂不朽于孟二公之志是也鄭君孝廉名宿其治阿也吾固知其遠追昔日之子奇而即此一志益可信其能用老者之智而出則白首共載也予爲阿志幸而不揣無文聊用一言以爲之序

康熙五十六年歲序丁酉孟冬中憲大夫知山東兗州府事加三級紀錄十五次前戶部陝西清吏司郎中山陰金一鳳紫庭甫撰

舊志賈序

志史例也史家體裁各異而郡邑之志因之故志亦史也編年紀事者本春秋及宋司馬氏其各爲表志紀傳者準馬遷班固書期於文直事核信今傳後成一國一邑之事而已東阿有志不詳其所由始宏治間重修於秦令昂楊文襄公有序迄今八十年餘中間故實脫略篇章殘缺覽者病焉黎陽朱君德載以進士高等來宰阿才猷敏茂多奇樹歷三載政成民懷百廢俱興暇中覽邑乘嘆曰阿固兩都通津山左雄區也其疆域陵谷往躅遺文散見於史傳及學士大夫談說間要不渺矣而舊乘所載寥寥若此千百年文獻缺然紀述曷稱觀視哉會邑人太史于君可遠柱史孟君祠孔方家居具良史才朱君就謀之迺以編摩托二君而躬率諸文學士爲纂集其事越三月而志告成始方域終文藝凡十二卷將梓以傳于君於余爲同年友函志馳書山中屬余序諸簡端余受而讀之見其四表八志一取裁於馬遷而紀事叢談間折衷於左氏馳騁古今包羅圖史吏治民隱一篇之中三致意焉閱博雅暢哀然成一邑全書視舊所輯錄

東阿縣志

序

一

濟南芙蓉街午夜書店印

不啻加千百矣嘻寶在暗室漫然求之百不得一及懸青藜耀白日燦然具陳此詳略之辨也阿非鄙小縣舊乘脫漏求者遺之爾乃若于孟二君負大節探奇踪蓋才瀉三江志吞五嶽矣時時踟躕鄒嶧之巔訪秦人故碑弭節少皞之都賦魯靈光殿陳孔庭俎豆由日觀蓬萊而東之觀秦皇漢武登封駕海之轍跡則見環阿諸山蜿蜒起伏氣脈隱隱自東岱來而境內所有汶濟馬頰諸河入海故道明如指掌西則漕渠橫帶萬艘鱗次東望城邑雲物蒸蒸然靈氣所鍾宜多瑰璋碩大之產無論古昔高人騷客比肩繼踵至今談經守禮之士彬彬比壤於鄒魯得遺風焉游目寓足曠然大觀故所敘述事廣而文典詞質而理盡殫見洽聞多有得於墳典子集之外者昔馬遷氏南遊江淮北涉汶泗講業齊魯鄉射鄒嶧足跡徧宇內而後所著史記一書矯然爲千古史規蓋所得游歷者多也以今揆昔即二君何殊耶且此邑乘也者將以垂勸戒定權衡也而古今所稱操激揚褒貶之柄者臺諫史官焉柱史君翔翔舊都涉六朝遺踪冠華貂珥白簡侃侃論天下事忠言讜議流耀史冊太史君秩在承明金馬著作之庭抽毫振

藻纂一代丹雘而藏之金匱石室將與天地始終顧此邑乘又其緒餘爾古稱三不朽
謂立德立功立言于孟子君大雅宏達勒成邑史爲千年之信書朱侯以惠政得民有
功德於茲土而雅意邑乘皆不朽事也余固不辭而樂爲之序

明萬歷壬午歲六月上浣之吉

賜進士出身亞中大夫光祿寺卿前翰林院庶吉士侍經筵戶科都給事中嶧陽賈三
近譔

東阿縣志

序

一一

濟南芙蓉街午夜書店印

舊志陸敘

邑之有志自周外史氏始也若內史氏則紀王之事矣王之事而紀也在天下者異乎哉故古者生子問史書之問者二十五家之謂也二十五家且有史而況大於是者乎然則東阿一邑之誌不可以弗備矣阿名邑也山有雲翠虎窟六工四峪之秀水有瓠子狼溪東流洪範之奇人物有子宗伯孟中丞諸公應山川清淑之氣數十年來風景如昔而人文湮鬱名臣烈士聲光寥聞雖曰世殊抑亦興起者無資歟

閩中棠溪劉公來理是邦而嘆之曰是余之責也夫公自庚子抵乙巳六易臘矣明月在側厭其幽冷而油然以赤日投人俾民澆者淳困者甦絃誦之士復見山高而水清獨於明季之末

興朝之始軼事未一紀焉其可以謝不遑歟於是捐貲鳩工補綴已殘增以新聞俾耑友李君校讎之而命陸子敘其事陸子曰惟古良牧之志考諸今可見矣夫不習爲吏觀已成事古之訓也今有司惟簿書期會是急以求合上指而文獻所在即成書且旒

東阿縣志

序

一

濟南芙蓉街午夜書店印

贅置之何則刺繡文不若倚市門故耳公之有事於斯也豈惟文章抑以明天道則思所以觀變而順時察地維則思所以導利而布下盡人物之情則思所以權盈詘之宜而酌緩急之節使前之爲令者有可傳後之爲令者有可法邑士皆得沐先正之餘韻而歆其椒蘭是惟古人修史之意若其弄筆墨以騁博雅已乎則玉卮無當弗適於用余可不執筆而颺其後矣

嘗

康熙四年仲冬旣望

賜進士第候選推官東平陸叢桂冲默甫敬書

舊志秦跋

邑侯鄭公蒞阿之二年政治人和公餘無事披覽邑乘蓋于內史孟臺史兩前輩手定頗詳迨棠溪劉公增訂後垂五十年其間懿蹟美行闕焉未載不禁喟然有感曰志之所係重矣哉上備形管之採訪則國書也下昭來葉之炯鑑則信史也脫今不修更歷年所文獻無徵詎非憾事爰捐俸金蒐羅軼事裝潢成書凡有關於風化有補於政治者一一續入譬諸剖玉荆山俾無匿采探珠驪淵期無遺光閱數月告成余取而讀之見其記載適宜品隲咸當深服公之才識學問誠有大過乎人者異日觀法有自風行俗美廣教化而勵人心微公之功吾誰與歸哉因次其始末而爲之跋
賜進士出身前候補內閣中書舍人改授教習館邑人秦奕誥謹跋

東阿縣志

序

濟南芙蓉街午夜書店印

舊志劉跋

余蒞阿讀邑乘舊本迺明于文定爲殿講孟中丞爲柱史時所纂也海內目爲信史真令洛陽紙貴迄今百有餘歲其原板毀於兵燹而四表八志缺略亦已多矣

洪惟我

朝定鼎因革損益視昔加詳而邑乘不備所安著

昭代之鴻模乎余於政暇同諸文學士補輯其軼失讎校其豕亥翻覆訂正務求詳明間亦竊附己意前則倣乎二史今則遵乎

同文雖其間耳目所限或未盡悉是所望於後之有史才者致意焉因捐俸重梓以廣其傳余得附驥而顯心茲幸甚

康熙四年歲次乙巳重陽前一日東阿縣知縣加五級嘉陵劉沛先謹跋

東阿縣志

序

一

濟南芙蓉街午夜書店印

舊志張跋

懿哉吾邑侯鄭父母之修志乎可與論史矣昔史佚作史必取志而撮其要即韓昌黎過韶州亦必索圖經資事實蓋志者史之權輿也公有鑒茲奉憲命而重修之屬筆於余得母以德載朱公修志以于太史孟柱史兩先生爲編摩棠溪劉公修志以嵩友李進士爲同校余生諸君子後不能辭其責耶余愧不敏偕同輩秦君紫霓魏君鄴亭仍其舊續其新採其遺補其缺以成一邑之志夫志古原以昭今志今所以示後公非爲文章侈美蓋欲繼往開來俾後之蒞斯土者有所觀感耳公閩之鄉進士也來理是邦誠正儉朴仁恕寬和有古循吏風極崇文教甫下車課士所拔皆奇才甲午分闈得士俱屬名下吾邑同榜若許若楊若魏若連斌斌文學之選魯國諸生半在門矣公以此自快余亦以此快公嘉公之政服公之教兼樂志之有成并頌公之功於不衰堪與前志朱劉兩明府並垂不朽云

賜進士出身候補部主政邑人張令璜敬跋

東阿縣志

序

一

濟南芙蓉街午夜書店印

東阿縣志目錄

卷首

序

姓氏

圖

凡例

列聖詔旨

卷之一

天文志星野

卷之二

方域志沿革

卷之三

村莊街衢

鎮集形勝

風俗物產

東阿縣志

錄日

山水志山水

河防漕運

卷之四

古蹟志古蹟邱墓

坊表金石

卷之五

建置志城池廨署

倉庫郵政

橋梁津渡

卷之六

田賦志戶口丁口

地畝貢賦

存留耗羨

稅課鹽法

驛遞馬政

舖舍兵防

卷之七

學校志文廟碑額

禮器樂器

舞器樂章

祝辭學宮

學額學田

書院義鄉射

學

送學鄉飲酒禮

賓興鄉約

卷之八

祠祀志壇廟寺觀

卷之九

封建志

卷之十

官師志知縣丞

主簿
典史

教諭
訓導

營汛
雜職

吏掾

卷之十一

宦蹟志

卷之十二

選舉志徵辟制科

進士
舉人

武進士
武舉

貢生

封廕
仕籍

武職
賓客

卷之十三

人物志上史傳鄉賢

卷之十四

人物志下文學武功

政績
卓行

儒寓
列女

東阿縣志

目錄

一一

濟南芙蓉街午夜書店印

卷之十五

藝文志一著述賦

詩

卷之十六

藝文志二詔勅奏疏

卷之十七

藝文志三贊

書牋

啓引

問議
呈銘

跋

文

卷之十八

藝文志四序傳

卷之十九

藝文志五碑記

卷之二十

藝文志六記

卷之二十一

藝文志七 記墓誌銘

卷之二十二

藝文志八 墓誌銘墓表

墓碑行狀

卷之二十三

祥異志

卷之二十四

雜記 仙釋方技

叢談近事

東阿縣志

目錄

三

濟南芙蓉街午夜書店印

東阿縣志修志銜名

鑒定

賜進士出身山東泰安府知府加十級

楊惠元 福建閩縣人

裁定

賜進士出身山東泰安府東阿縣知縣戊子科鄉試同考官李賢書 河南嵩縣人

纂輯

山東濟南府鄒平縣知縣前署東阿縣事乙酉科鄉試同考官吳 怡 雲南保山縣人

分輯

東 阿 縣 學 教 諭張光緒 莊平縣人

東 阿 縣 學 訓 導韓有臺 陽信縣人

東 阿 縣 縣 丞管裕疇 江蘇陽湖人

署 東 阿 縣 縣 丞劉金鏞 河南鞏縣人

東阿縣志

銜名

督梓

東 阿 縣 典 史袁 崑順天宛平人

東 阿 縣 把 總劉丕振 兗州滋陽人

貢 分纂 生劉萬鰲 邑人

恩 貢

貢 生 侯 選 教 諭張汝霖 邑人

廩 貢 生于萬俊 邑人

濟 南 府 運 學 廩 生趙士元

監 生賀 岱 邑人

繕寫

廩 生張全 東邑人

庠 生劉慶華 邑人